

雜問答三條

或問曰道人爭高曰仙大謂老子度釋迦成佛僧人爭高曰佛大謂仙必參佛而後成真果有是歟非歟答曰無徵而妄爭者兩俱非有徵而曲為強辨妄爭者亦非亦有兩是可證而不可掩處自釋迦出世時老子曾過函谷關

此時亦度關令矣關令姓尹名喜聞道而著文始真經行於世西行可證者

西渡流沙但未聞老子自言曾度佛否佛亦未自言曾受老子度否後人故不見猶龍之嘆邱長春真人於元始祖四年壬午冬十月西渡流沙河止於雪山之陽從元始祖皇帝征西域時

道藏輯要

仙佛合宗語錄

早

畢集三

所請也亦未聞其自言曾度何佛曾參何佛吾人皆當置之不必言此無徵者又有俗僧稱佛先生而度老子誑世人宗佛而勿宗仙

若此不過只為爭衣食計也

我考之佛生於周昭王二十四年甲寅者老子於商陽甲時入

亥女胎至武丁二十四年庚辰歲十二月生者自武丁起一歷祖

庚二祖甲三廩辛四庚丁五武乙六太丁七帝乙八紂王九

君一百八十年又歷周武王成王康王昭王四君九十四年共商周十三君二百七十四年是老子出世已先於釋迦之歲年非後於佛者即令為佛之師也無不可反妄稱後於佛而受教

豈可乎此有證而曲爲強辨妄爭者也佛之言曰昔者仙人授佛妙法如來因之遂致成佛後乃指其名曰阿私陀仙乃西方五通之仙也事在法華經此仙度佛之有證而不掩者昔阿般提國有仙於大迦旃延名那羅尼依頻陀山阿私陀仙得四禪五神通矣後歸佛修梵行爲佛大弟子又商那和修尊者乃雪山飛行仙人也見阿難坐於中流水面跏趺入滅飛空而至阿難付於正法眼藏而爲三祖又稱遮迦尊者中印度人也爲八萬大仙之首昔生於梵天遇阿私陀仙授法已經六劫投五祖提多迦得正法眼藏而爲六祖事皆在傳燈錄及五燈會元

五燈者宋眞宗景德間吳僧道原作傳燈錄翰林學士楊億

道藏輯要

仙佛合宗語錄

聖

畢集三

裁正而敘之一也宋仁宗天聖中駙馬都尉李遵勗作廣燈錄仁宗御製敘之二也此俗人所作亦不足憑宋徽宗建中靖國元年佛國白禪師作續燈錄徽宗作敘三也宋孝宗淳熙十年淨慈明翁明禪師作聯燈會要淡齋李泳敘之四也宋甯宗嘉泰中雷庵受禪師作普燈錄陸游敘之五也宋李隱林大川禪師以五燈浩博學者難究乃採輯作五燈會元金大定時另有繼燈錄元順帝至元間雲壑端禪師又作心燈錄皆詳錄前事者

此三仙參佛而成道之有證者亦皆西方事與東土無干我所云俱有是者徵此也非若此而妄爭則非矣又聞東土有此事

否答曰道光禪師陝府雞足山下人也初爲僧號紫賢先參修
岩問道眼因緣金雞未鳴時如何沒這音響之句又參如環問
如何是超佛越祖聞餽餅圓陀陀地之句遂能宗說兼通機鋒
敏捷諸方無能過者參悟到極處識破無證果而生死不可了
乃自嘆曰畫餅不可充饑悟得個皆這邊事不過說禪談道而
已於佛祖超劫壽命慧命全無干涉乃參張紫陽真人門下石
得之

姓石名泰字得之號杏林以地名爲號者

聞仙道而成眞證佛又曰投胎奪舍是執空之徒伏虎降龍得
還丹之妙又曰我教法門只知悟性爲宗世尊所云先除淫根

道藏輯要

仙佛合宗語錄

聖

畢集三

之妙義金丹之道得藥爲上然必明心見性爲主方爲最上若
以精竭淫身悟性卽成佛萬無是理佛已說其落魔道若不煉
性而徒求金丹大藥終是滲漏無成又曰大丹未現前大藥未
明透一毫滲漏拋身入身圓明照了兼修金丹道成十極號曰
眞人此東土佛參仙之有證者未聞

仙參佛

又李義人癸酉端陽節遇問曰今有一人自北都來南自言頂
門開矣眾驗之果然人能如此可謂工夫久者不知何工能得
到此我且走欲詢之伍子答曰頂開有眞假自稱爲頂門開假
也無疑又問曰手驗之則頂門邊前後直長一路皆動如是而
可謂假吾不信也答曰君焉能識得破信得假君將謂頂門何

故以開蓋爲神出而開也陽神陰神俱已到得真空大定可以出定之時則迸破頂門而出陽神有六通陰神亦有五通若無神通頂門不軟便是弄假君可曾知他有神通否李曰未曾問尚未知有無伍曰不必問凡有神通者千萬世之先後

知見過去未來者謂之宿命通

千萬里之內外

有天眼通者能見其形有天耳通者能聞其聲

皆能見能聞能知况百千步之間不能用神境通而知見乎當君去求見時彼不先知所見之人又不先知所見之意則是無神境通他心通矣既無神通頂門焉有開理又問曰頂門既非道藏輯要

仙佛合宗語錄

聖

集三

眞開何由得有這動既有這動何又言得假開卽此尊見與我見便覺有一是一非而不能兩可者在也又答曰唯有這動愈知彼是假弄法矣世人不知頂門之眞開者不動手按之則軟不按之則不見與凡夫異何以故由神氣大定息也佳脈也佳神也佳而後能開頂出神是頂門開於凶

音信凶門也

但透其舊軟竅之骨而不動

言神透骨而出如火透水而出勿由孔竅也

爲無息脈之動故若有息脈之動則通身之脈皆同動故小兒頂動正與息脈同動者此理徵之勘破彼動之假也又問曰雖

云彼動是假恐亦難能得此動也答曰易能易知只能瞬目之間而已世有一等假行氣者自腦後逆上至頂轉前而下則頂之前後直長一路有動是因暫時行氣而動非若小兒隨呼吸脈動而動者汝若不信觀察他不行氣時不動便識破他未開而假說何故我又說他是假行氣爲其時本不行氣欲哄人觀頂門之動乃暫時行氣以動之不對人用哄則不行氣是也世間又有一等人全不行氣乃務爲誑人之捷法叫人以手印試其頂將眼睛雙雙上下連視之一上下則一動兩上下則兩動不上下視則不動動也祇是浮皮與骨開竅軟無相干涉如此詭計雖有盛德大志學者不過初學見淺焉能辨彼之奸邪而

道藏輯要

仙佛合宗語錄

留

畢集三

又文一

遂輕信之惜哉惜哉問曰若如此容易假爲得吾人輩皆能頃刻能之乎答曰如今諸人便可上下視一試之上下視皆動不上下視皆不動諸人亦是有工夫開頂麼又問曰彼何爲假此事答曰爲人學道須要把萬種機心惡心妄心欺心一切割斷便斷盡輪迴種子做個了生死證聖果的人始得若墮在方外遊說之黨無往而不爲誑騙人之局也識之慎之

又一友問曰嘗聞氣化精今聞精化氣何謂也答曰人之有生以來身中一點元氣是性命之宗及至十六歲乃元氣自能化精之時身體壯盛能行淫媾則化精者正此元氣化一分精則損一分氣逐日淫媾太甚精竭而元氣亦竭矣至人煉金丹服

食長生必要元氣全足如胎中時然後得長生精氣不足則不得長生故已竭者必要補之補之之機因其化精之氣機有動方可補得不然不得元氣增長凡氣機一動趨事淫媾者則為精乃世法中氣化精之所嘗聞不為淫媾而收回氣穴外用周天火候薰蒸四大則發動之氣因薰蒸而長旺乃仙道中之精化氣也所以元氣復足者由於留得元精不至耗失而得即其出精而後氣足非精化蒸而何

附錄伍真人修仙歌

冲虛伍子有仙階萬曆元年

癸酉改元神宗皇帝年號

道藏輯要

仙佛合宗語錄

卷

畢集三

住母胎

母王氏孺人自嘉靖壬子年六月初一日住至崇禎庚辰年十一月二十日酉時無疾而坐化尸解所謂白日為真尸解乃升天及生天之類

父由貢舉齊青教

父健齋翁嘉靖時中江西榜貢舉壬戌科中會元為權貴所奪乃就齊地青州府學教授雖甚貧窘而甚甘清廉乃善人而君子修仙佛者必生於仁賢父母之家方是因果不昧古云一人得道九祖升天當知有聖父母而後可生聖子卻從文廟毓吾來